

Fa a gagamatsa ntwala ya go lwantshana le ditiragalo tsa go bogisa basadi mo Puong ya gagwe ya Maemo a Setšhaba, Moporesitente Cyril Ramaphosa o eme nokeng ntlha ya gore go dirilwe Boikano jwa Setšhaba jwa go ema kgaatlhanong le ditiragalo tsa go bogisa basadi jo mo go bona banna ka bo bona ba tla ikanang gore ba tla fedisa ditiragalo tsa go melela basadi meno.

BOIKANO JWA BANNA BA AFORIKA BORWA JO BO KA GA GO FEDISA DITIRAGALO TSA GO BOGISA BASADI

KE LE MONNA, KE IKANA GORE KA DINAKO TSOTLHE KE TLA:

1. Dirisana le basadi botlhe fela jaaka ke dirisana le bankane ba me.
2. Tshwara basadi jaaka batho, e seng jaaka dikata kgotsa dilonyana tsa me.
3. Ema basadi nokeng ka mekgwa yotlhe e nka kgonang mme ke tla thusa ka fao nka kgonang go lwantshana le mekgwa e e maswe e e namileng ya go betelela basadi mmogo le go fedisa mefuta yotlhe ya go gatelela basadi, go ba bogisa kgotsa go ba melela meno.
4. Kgalema banna ba bangwe fa maitseo a bona a tswa mo tseleng kgotsa fa ba roga kgotsa ba nyenyefatsa basadi.
5. Tlotla mosadi fela jaaka le nna ke le monna ke solofela go tlotliwa gone fa go tla mo go tlotlaneng, go lekalekaneng le mo ditshwanelong tsa maAforika Borwa otlhe, ga gona gore yo mongwe o tshwanelwa ke eng ga a tshwanelwe ke eng.
6. Nna sekai mo matlhong a bana ba basimane mo lelapeng la me le mo motseng wa etsho ka go ba ruta gore go ntsha botlhoko mo dipelong tsa bona ga go raye gore ga o monnatia, le go ba ruta gore go dirisa dikgoka go rarabolola mathata ga go mosola e bile basadi ba tshwanetse go tlotliwa.
7. Tshwara basadi ba bangwe fela jaaka le nna nka rata gore batho ba bangwe ba tshware mme wa me, ausi wa me kgotsa morwedi wa me ka teng.
8. Lwela pabalesego le tlhokomelo ya bana mmogo le go lwela go fedisa mefuta e mengwe le e mengwe yotlhe ya go melelana meno.
9. Kgalema batho ba bagolo ba maitseo a bona a tswang mo tseleng mmogo le bana bao le bona maitseo a bona a rumolang bana ba bangwe.

KE LE MONNA, KE IKANA GORE GA NKITLA KE:

1. Emisetsa mosadi seatla.
2. Rumola, ke tshosetsa kgotsa ke nyenyefatsa mosadi ope fela, e ka tswa ke dira seno ka go mo dira setlhogo, ka go mo omanya, ka go mo sulafaletsa kgotsa ka go mo nyenyefatsa ka thobalano kgotsa ka go letlelela motho yo mongwe go mo dira dilo tseno.

3. Tsweletsa dipuo tse di sa ageng setšhaba ka basadi kgotsa go itira yo a itseng sengwe le sengwe ka mosadi go ya ka mokgwa yo ke bonang a apere ka one.
4. Dira mosadi gore a ipone e kete o a ponaka ka ntlha ya mokgwa o ke mo lebelelang ka ona, mafoko a ke mo pharang ka ona kgotsa dilo tse ke mo dirang tsona kgotsa a ikutlwe a sa lokologa fa ke le gaufi le ene.
5. Forogotlha motho wa mme kgotsa go robalana le ene e se ka thato ya gagwe kgotsa go mo gapeletsa go dira selo se a sa batleng go se dira.
6. Tlhotlheletsa ditiragalo tsa go bogisa basadi kgotsa go itlhokomolosa tsona.
7. Tlhanogela maikarabelo a me mo baneng ba me jaaka rre wa bana ba me, fa ke na le bana le ka motsi o ke tla tsogang ke na le bana.
8. Dirisa maemo a me a kwa lapeng, kwa tirong le mo setšhabeng go nyenyefatsa ditshwanelo tsa batho tse basadi ba nang le tsona mmogo le seriti sa bona.
9. Dira gore fa ngwana a na le nna a ikutlwe a le mo kotsing kgotsa a tshogile ka ntlha ya seo ke se buang kgotsa seo ke se dirang.
10. Tswa mo tseleng fa ke bua le ngwana kgotsa gona go itshunyaka mo mererong ya bona.

Saena boikano jono fano